

ՄԻՐՏԸ

Մի սիրտ էր մայթին ընկած թփրտում
 Ու դողում՝ յանկարծ չընկնի՞ ոտի տակ.
 - Ի՞նչ ես անում դու - ասի - այս ցրտում.
 Ինչո՞ւ չես մնում ին բնի մէջ տա՛հ:
 Նա պատասխանեց.
 - Անմահուր հոգին ինձ տեղից հանեց ...

ԱՅՍՕՐ

Այսօր որդիս ըմբոստացաւ
 Ու հարուածեց սրտիս՝ նետով:
 Նետը սրտիս միջով անցաւ,
 Ու ես անցայ մահուան մօտով...
 (Սակայն հոգիս ուրախացաւ,
 Որ ես պիտի գնամ շուտով...)
 Փրկիչ Տէրս, թող որ ների
 Իմ «նետածիգ» կտրին նրան:
 Միայն օրհնանք նրան բերի
 Ու թող ոտքը չառնի քարին...

ԿԱՆԳ ԱՌ, ԺԱՄԱՆԱԿ...

Կանգ առ, ժա՛մանակ,
 Գուցէ արթնանա՞յ վարորդը թշուառ,
 Իր ինքնաշարժի դեկի մօտ քնած,
 Որի մեքենան սուրում է առաջ,
 Զորն ի վար տանող ճանապարհով կարճ...
 Կանգ առ, ժա՛մանակ,
 Մինչեւ արթնանայ ազգը իմ քնած,
 Որի գնացքը սուրում է արագ,
 Դէպի դժոխքի դռները կրակ...

ՄԻՇԱ ՍՎԱՐԵԱՆ